

# INUIT ATAQATIGIIT INATSISARTUNI



13. februar 2022

UPA2022/ 37

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Matumuuna siunnersuutigaara Naalakkersuisut peqquneqassasut Danskít Naalakkersuisuinut saaffigineqqullugit Kangaatsiami piaartumik politeqarfeqalernissaanik noqqaassuteqaqqullugit.**

(Inatsisartunut ilaasortaqaq Hans Aronsen, Inuit Ataqatigiit)

## Tungavilersuut:

Ilumoorpoq Kangaatsiaq Aasianniik 50 km missaaniipoq, tamanna Justit ministerip Aaja Chemnitz Larsenimut akissutaani takuara<sup>1</sup>. Silagitillugumi sikoqartinnaguli 30 knob ingerlaaraanni 1 time missaani sivirususeqartumik orninneqartarpoq. Nunaqarfiillu sisamaasut Aasianniik 100 km missaani ungasissuseqarput immakkut ingerlaarluni aamma sivirusunerusinnaasarluni.

Ukiut 35-it Kangaatsiaq najungaqarfigereersimavara. Kommunefogeditut ukiut qulit sinnilaarlugit suliffigereersimavara, aammalu piniartutut aalisartutulli inuniteqarninni, inooriaatsikkut ineriartorneq aammalu silap pissusaata allanguutaasa suniutaat pinngortitallu ukioq kaajallallugu pissuserisaasa qanimut malinnaaffigereersimavakka.

Ukiorpanngortuni innuttaasunit qinikkanit aammalu folketingemi ilaasortaasartunit Kangaatsiaq Politeeqartariaqartoq sulissutigineqartuarsimangaluarpoq. Politeeqalernissaanullu itingartitsisarnermi tungavilersuutaasartut soorlu Justit ministerip Aaja Chimnitz Larsenimut akissutaanut assigusut akissutigineqartuartarsimapput.

Maluginiarpara pisut sakkortuut ulorianartorsiortitsisinnaasut ataasiannarlutik pisartutut Justit ministerimik akissummi oqaatigineqartut, soorlumi aamma siusinnerusukku oqaatigineqartareersut. Nammineq kommune fogedenikuuvunga ukiullu kingullit arlaleriarlunga ikiortiserineqartarnikuullunga. Ukioq januarimi sakkortoqisumik aamma pisoqarpoq. Pisumilu tassani politiit sivirusumik takkutinngillat ca 3 – 4 tiimit.

Ilumoorpoq piviusut akissutigineqartumiik allaanerujussuummata oqaatigissavara. Kangaatsiaq nunaqarfiillu 1000 sinnerlugit inoqarput. Aasianniik silaannakku tikinniartarnerat sivikitsunnguuvoq taamaattorli silarluttumi taartumilu anorlersumilu aamma immakkut sikut ukiut tamaasa takkuttuartut sernernarsisarneralu eqqarsaatigalugit sivirusunerujussuarmik tikinniarneqartarput, akissummi

---

<sup>1</sup> [GRU Alm.del - endeligt svar på spørgsmål 3: Besvarelse af spørgsmål nr. 3 \(Alm. del\) fra Folketingets Grønlandsudvalg.pdf \(ft.dk\)](#) GRU (Grønlands Udvalg) nalinginnaasumik immikkoortuani - apeqqut 3-ip akineqarnera: Apeqqutip 3-ip akissutaa Folketingip Kalaallit Nunaat pillugu ataatsimiitalimi.

sammineqanngitsut assorsuaq aarleriummerlungalu pakatsissutingaakka, taamaanneranimi sivisunerujussuarmik apuunniartoqarsinnaasarmat. Tassa ullut tamaasa angalaniartilluta siulliullugit qularnaarumasakkagut pinggortitap pissusaanut tunngasut kalaallit nunaannut suliaqarnermi aamma sammineqarneusariaqaraluartut.

MIO nalunaarusiarisartangaani meeqqat oqariartortuaannarput inuttut peqqinnangitsumik pineqarsimanermik killissamilluunniit qaagiiffigitittarneq pillugu nalunaaruteqartarsimangaluartunik, nalunaarutiminnillu kinguneqartitisoqartarsimannginnera peqqutingalugu nalunaaruteqarnissat unitsiinnartarsimasut. Allaat meeqqatut soqutaanngitstut pisortaniillu naleqanngitsutut misisimalerssutigisartakkaminnik.

Nalangaaffiup tamanna qulaajaaffigerusunnginnerpaa. Pinerluttaalisitsinermik akissuussaaffik nalangaaffiup tigummivaa, nalangaaffiullu innuttaminut ataatsimut isiginnittussaani atorlugu pinerluttaalisitsinikkut siamasissumik sullissinermi naligiinnginnerup misissorneqartariaqarnera piariaqartippaseqingaa takusinnaavara.

Pinerluttarnerit sakkortuut inuit akornanni qaqugukkulluunniit takkusinnaasartut takusareerparput, ajornerpaamllu pisoqannginnissaa tamatta kissaatiginerpajullutigu.

Kangaatsiami politiit sumiiffigisinnaasaat pioreerpoq. Pilersitsinikkut minnerpaamik Politiimik ataatsimik, allaffimmiumik ataatsimik, maannakkut kommunefoged-itut sulisut ikiortitut ingerlaannarsinnaapput. Atortutigut politiip ineqarfissaanik, politiit biiliinik kiisalu qamuterallannik pisariaqartitsisoqassaaq.

Aamma oqaatigisariaqarpoq 2004-imi Eqqartuussiveqarneq pillugu Ataatsimiititaliarsuup isumaliutissiissutaani eqqaaneqarpoq Kangaatsiami nammineq politeqarfeqarnissaa toqqammavissaqartoq.

2

#### **Pisortanut aningaasatigut allaffissornikkullu kingunerisassai:**

Siunnersuut Namminersorerullutik Oqartussanut aningaasartuutaassanngilaq, allaffissornikkulli Namminersorlutik Oqartussat iluani annerpaamik A/C siunnersorti ukiup affaanik sivisunerussanngitsoq ilimagaarput.

#### **Namminersortunut aningaasaatigut allaffissornikkullu kingunerisassai:**

Soqanngilaq.

#### **Innuttaasunut aningaasatigut allaffissornikkullu kingunerisassai:**

Soqanngilaq.

---

<sup>2</sup> [DEN GRNLANDSKE RETSVSAENSKOMMISSION \(ina.gl\)](http://den.grnlandske.retsvsaenskommission.ina.gl); Eqqartuussiveqarneq pillugu Ataatsimiititaliarsuup isumasiutissiissutaani 2004-meersumi bind IV quppernermi 1280-miippoq. Isumaliutissiissut kalaallisuunngortinneqarnikuunngaaq, taamaallaat eqikkarnera nutserneqarnikuuvoq.